



Duzmeuz Gyaez Loengh Vunz

喜欢恶作剧的猫

Duzmeuz gyaez loenghriu, ciengz daeuq ndaej daihgya angqvauvau, hoeng de hix gyaez loengh vunz, loengh ndaej daihgya simnyap raixcaix.

Ngoenz ndeu, duzmeuz yawjraen duzgaeq song cejnuengx youq laj cazfaex ganggoj, de ndawsim couh naemj: "Hwhw, song dah mbeiiq neix, gou yaek hwk songde mbat ndeu cij ndaej." Naemj dwk, duzmeuz couh yaemjaemj ndonj daengz baihlaeng duzgaeq, fwt coemj gvaqbae haenq sing baez hat: "Ha!" Duzgaeq deng hwk ndaej swenjecece mbin hwnj-daeuj. Duzmeuz raen le, angq ndaej bekfwngz riuhaha, caemhcaiq vix duzgaeq riu naeuz: "Haha, duzgaeq mbeiiq, swenj cici caca, mbin gafi gafaq!" Duzgaeq hozndat naeuz: "Mwngz duz simnaeuh neix, hwk ndaej dou mbei yaek dek bae!" Duzmeuz ndawsim cix angq dangqmaz.

Duzmeuz angqvauvau youh daeujdaengz gwnz diegrum, yawjraen duzyiengz daxgoeng cingq youq giz mbouj gyae maezmdmwd yawj bauqceij. De youh yaemjaemj byaij gvaqbae, ndwn youq baihlaeng daxgoeng duzyiengz, nyaenx dwk riu, fwt dawz fouq nganxingq daxgoeng duzyiengz roengzdaeuq, hwk ndaej daxgoeng duzyiengz sim diuqbubbub. Duzyiengz daxgoeng riu ndaq naeuz: "Duz fangzlwng neix, vaiqdi dawz nganxingq daeuq hawj gou, mbouj ndaej daujlueh." Duzmeuz daeieq fwnfwng dwk dawz nganxingq daep hwnjdaeuq, hoeng de sikhaek gamj-daengz daraiz dava, cijndaej duet nganxingq roengzdaeuq boiz hawj duzyiengz daxgoeng lo.

Duzmeuz youq gwnz diegrum byaij le yaep he, fwt raen duz-coengmax ndeu cingq youq gizhaenx dak ndit, de youh siengj loengh vunz

lo. De fwt coemj gvaqbae, gaemh dawz duzcoengmax, ajbak couh haeb. Duzcoengmax lingzleih dangqmaz, ciengjgonq haeb dawz byai linx duzmeuz. Duzmeuz in lo, siengj fid coengmax doek bae, hoeng, coengmax haeb ndaej engq ndaet lo. Duzmeuz doeng fid sae fid, coengmax cungj mbouj cuengq. Duzmeuz youh suk linx, siengj gienj coengmax haeuj bak bae haeb, hoeng, coengmax song ga dingj naengbak de, haenqrengz rag linx de okdaeuj, de baenzlawz hix suk mbouj ndaej linx haeuj bak bae. Yienghneix, diuzlinx duzmeuz couh deng rag ndaej raezramram bad youq rog bak. Coengmax lij daeieq dwk yungh song cik galaeng baez naek baez mbaeu caij dwk bekceij, ndaw bak ngwnw ciengqgo, gamz dwk diuzlinx duzmeuz bibi buengqbuengq diuqfoux hwnjdaeuq. Duzmeuz indot yaek dai, fidfid fouxfoux, saet bae

saet dauq.

Duzmeuz in ndaej raemxda laenengneng roengzdaeuq, siengj gouznyiuz cix gangj mbouj ndaej vah. Cingq youq seizneix, duzyiengz daxgoeng gvaqdaeuq lo, de doiq coengmax naeuz: "Cuengq de ba!"

Duzcoengmax baez cuengq bak couh riengjret yat daengz gwnzdieg, lij miz di hozndat dwk doiq duzmeuz naeuz: "Mwngz loengh gou haeb gou, daengz gou hix loengh mwngz haeb mwngz, hawj mwngz rox in mbouj in!"

Duzgaeq caeuq duzyiengz cungj humx gvaqdaeuq lo, cungj naeuz duzmeuz: "Baezneix mwngz rox hit luba?"

Duzmeuz najmong liux lo, de hojlienx dwk mbajmbwtmbwt han naeuz: "Baezlaeng, gou…… caiq…… hix mbouj…… loengh vunz lo."

(Ganh Sozvwnz/甘说文)

angq ciengq go

Mbanjcuengh Gingjsaek Moq

1=F $\frac{4}{4}$
cunghsuzdanq cingz

Han Vei swz
Nungz Funghiz
Nungz Gvagh hoiz

(1. 2 1 6 5 6 1 2 3 | 5 0 5 3 2 1 2 3 2 3 | 5 5 3 2 1 2 3 1 -) |

3. 5 2 3 2 1 1. 3 | 5 3 1 6 1 6 5 5 - |

Mbanj- cuengh raeuz go rim bo,

1. 2 1 6 5 6 1 2 3 | 5 0 5 3 2 1 2 3 2. |

Mbanj- cuengh saed- ceij van ndei (lo) van ndei (lo),

1. 4 6 4 6 1 1 - | 6 6 1 6 5 4 1 5 5 - |

hauxmeg hom fanh leix, yienq cwz buet rim bo,

caez- gya gaenx guh hong, gungz ndoq bienq baenz fouq,

3 0 6 5 1 3 2 1 2 4 0 3 | 5 0 3 3 2 1 2 3 1 - |

ndoeng- faex humx daengx mbanj, gva mak cien fanh loz,

hagdangz sing saw yienq- ho- ho Mbanjcuengh gingj- saek moq.

1. 5 6 2 3 1 1 6 1 6 | 3. 5 2 3 2 1 5 5 - |

(ai) m lo vei)

3 0 6 5 1 2 3 1 2 4 0 3 | 5 0 5 3 2 1 2 3 1 - :||

Gva mak cien fanh loz cien fanh loz.

5 0 6 1 6 5 1 2 3 4 0 3 | 5 0 5 3 2 1 2 3 1 - |

Mbanj- cuengh gungz ndoq bienq baenz fouq.

5 1 1 2. 2 | 3 2 1 2 3 1 - | 1 - - - ||

gungz ndoq bienq baenz fouq.

Byaujyangz gvi byaujyangz, meh-nax sonyinx lij caengz sat. De youh cam: "Mwngz caiq siengjsiengj, de dwg baenzlawz byaij daengz dieg gisieng cazyawj ne?"

"Mehnax gangj lo, dieg gisieng cazyawj dingzlai cungj dwg youq gyangdoengh gwnzndoi, ndigah loh aiq dwg mbouj ndei byaij. Seizhah, byaij daengz dieg gisieng cazyawj, daengx ndang cungj dwg hanh; seizdoeng byaij youq gwnz loh, rumz siet aiq gueng haeuj aenhoz bae, naj hix nit ndaej gyaengj bae, youq gwnz bonjbouh sij cih, lwgfwngz cungj iet mbouj ndaej."

"Fwngz iet mbouj ndaej baenz-lawz guh?" Mehnax cam.

"Yungh bak ha hei qndat daengz gaiqfwngz, roxnaeuz cuengq ndaw buh

sij cozvwnz cingzgingj

Yawj Doz Sij Cozvwnz

看图写作文

raeuj fwngz. Gou miz cungj dijvei neix."

"Deng lo, yawj doz sij cozvwnz couh yaek gaengawq gij dijvei swheij bae siengjsieng, bouj gij neiyungz ndaw doz mbouj miz haenx." Mehnax ciepdwk youh cam. "De dang boux gisieng cazyawj, guh ndaej swnh lwi?"

Daegcoengh youh miz di rox lo: "Wnggai miz daemjdengj. Couh gangj

sij dienheiq yawhbauq ba, loq miz di mbouj siujsim couh loek lo. Lumj, aeu 'fwj lai cienq bumz' sij baenz 'fwj lai cienq gvengq', roxnaeuz 'fwn' iq cienq gvengq' sij baenz 'gvengq cienq fwn-iq', couh cienq loek saenqsik dienheiq, ganciep hawj gunghcoz caeuq gwn-daen mbangj vunz daiq daeuq mbouj fuengbienh. Aenvih haujlai vunz dwg gaengawq dienheiq yawhbauq daeuq

Daxmeh Hauqswnh

孝顺的妈妈



Ngoenzsinghiz, gou caeuq daxmeh bae ranz daxdaiq cawj ngaiz. Cawj ngaiz sat le, gou doiq daxmeh naeuz: "Raeuz ma ranz ba!" Daxmeh naeuz: "Raeuz lij mbouj ndaej ma ranz." Daxmeh gaem hwnj gaiqdohbaj, cat deihbanj ranz daxdaiq ndaej seuqsatsat. Gou youh cam: "Seizneix ndaej ma ranz luba?" "Mbouj ndaej, raeuz lij bang daxdaiq guh sojmiz

gij saeh sat le cij ndaej ma ranz." Daxmeh aeu doengjcinmdin hawj daxdaiq cimq din. Daxmeh daek gyangdoengj raemxndat daeuq le, de maeuq roengz-daeuj, sien dwg bang daxdaiq vid gavaq hwnj, yienzhaeuh yaengyaeng cuengq din daxdaiq roengz doengj bae, hawj song din cimq youq ndaw raemx nyaenj din. Bang daxdaiq uet din hawq le, daxmeh youh cingjleix aenrug daxdaiq. Doeklaeng, daxmeh raeuj boi cijvaiz he hawj daxdaiq gwn le cij dauqma.

Youq gwnz loh dauqma, daxmeh doiq gou naeuz: "Guh sienh aeu hauqswnh guh gonq, bouxnomj wnggai bang bouxlaux guh saeh." Gou ngaekngaek gyauej naeuz: "Gou baezlaeng hix lumj mwngz yienghneix."

(ngeih nienzgaep Huz Gyahvei)



anbaiz gunghcoz caeuq okdou. Nungz-minz ndaem byaek, bungzdaengz doekfwn couh mbouj yungh rwed raemx; dajhwnq caepcae, miz mbangj doekfwn couh aiq dingz hong." (5)